

Hei

Då har eg nedunder redigert inn innspelet frå Margunn i litt forkorta form. Eg har også korta inn litt på første avsnitt, men budskapet skal vera den same.

Fint om administrasjonen syter for at uttala fylgjer budsjettsakene til formannskap/kommunestyre. Eg sender i tillegg uttala direkte til gruppeleiarane i dei politiske blokkane.

Med helsing

Henry

*Vi har i fleire år vore kjent med den varsla demografiendringa med den såkalla eldrebølga. Den sterke veksten i talet på eldre vil gje kommunale omsorgstenester fleire og meir krevjande oppgåver. Helse og omsorgsplanen 2022-2034 er nyleg er vedteken. Den seier at andelen av befolkninga i Seljord over 67 år vil auke frå 21,4 % i 2020 til 26,0% i 2030. Det vil sei at vi alt no er inne i byrjinga av eldrebølga. Den kraftige auken i tal eldre som kjem gjer at det blir markant fleire med funksjonshemming og helseproblem. Det medfører klar auke i behovet for tenester innan helse, pleie og omsorg for eldre, samt auka behov for tilrettelegging og hjelp til fleire folk med funksjonshemming pga. av alder*

*Vi minner om at Samhandlingsreforma i tillegg medfører aukande ansvar for kommunen. Korte opphald i sjukehus og utskriving av fleire pasientar til vidare behandling i kommunen. Manglar kommunen plassar/ressursar for å ta imot medfører det døgnmulkt (i dag kr.5000,-). Rehabiliteringsansvaret ligg også på kommunen. Dette stiller auka krav til kompetanse og kapasitet.*

*Utviklinga fordrar planlegging for dei endringane som vi no er i starten på. Helse og omsorgsplanen er eit viktig grunnlag for dette arbeidet. Det vil bl.a. tvinge seg fram bygningsinvesteringar på institusjonane på Nes for auka kapasiteten og tilpassing. I samband med det pågåande budsjettarbeid har helse og omsorgsetaten bede om midlar til å starte planlegginga i form av eit forprosjekt som skal kartlegge areal, utnytting av eksisterande bygg og behovet for nybygg. Det er difor med uro vi ser at det i Rådmannen sitt framlegg til budsjett ikkje er sett av midlar til dette viktige planleggingsarbeid.*

*Eldrerådet og Råd for menneske med nedsett funksjonsevne ber om at kommunestyret sikrar budsjettmidlar for 2023 til planlegging av viktige tiltak for å møte eldrebølga. Vi er alt seint ute og det krevst grundig, men raskt planarbeid. Vi legg til grunn at Eldrerådet og Råd for menneske med nedsett funksjonsevne kan vere med å drøfte premissar for planarbeidet og at vi blir teken tett med i den vidare prosessen.*